



Broj: 0101-144/20

Datum: 08.01. 2020. g.

SKUPŠTINA KANTONA SARAJEVO

g-din. Vitor Handžić, zamjenik predsjedavajućeg Skupštine KS
SARAJEVO

Bosna i Hercegovina
Kanton Sarajevo
10-01-2020
01 05 43190-89-205

PREDMET: Očitovanje na Poslaničko pitanje g-đe Smiljane Viteškić, dostavlja se.-
Veza: Vaš dopis broj: 01-05-43190-89/ 19 od 17.12.2019. godine

119

Povodom Vašeg dopisa, oznake i datuma veze, uz koji ste nam dostavili zastupnička pitanja g-đe Smiljane Viteškić postavljena na 16. redovnoj sjednici Skupštine Kantona Sarajevo, ističemo:

1.- Univerzitet u Sarajevu je dana 24. 04. 2019. godine podnio Općinskom sudu u Sarajevu – Odjeljenju registra za upis pravnih lica prijavu za pripajanje fakulteta, akademija i naučnoistraživačkih instituta, 28 prijava za brisanje dosadašnjih fakulteta, akademija i naučnoistraživačkih instituta i 28 prijava za osnivanje fakulteta, akademija i naučnoistraživačkih instituta kao organizacionih jedinica Univerziteta u Sarajevu.

Prijave su podnesene u roku propisanim članom 146. stav 2. Zakona o visokom obrazovanju Kantona Sarajevo, koji glasi: „*Od dana dostavljanja Univerzitetu odluke o usklađenosti statuta sa ovim zakonom, rektor je obavezan u roku od šest mjeseci nadležnom sudu podnijeti zahtjev za upis Univerziteta u registar u skladu sa ovim zakonom*“.

Podnošenjem navedenih prijava rektor Univerziteta u Sarajevu je realizovao u cijelosti navedenu zakonsku obavezu, a time i obaveze iz Zaključka Skupštine Kantona Sarajevo, broj: 01-05-36793-4719 od 22.10.2019. godine na koji se pozivate.

2. Nesporno je da se Mišljenjem, broj: U 30/19 od 22. 10. 2019. godine Ustavnog suda FBiH ukazuje na određene propuste proceduralne naravi u postupku donošenja Autentičnog tumačenja odredbi člana 138. stav 7. Zakona o visokom obrazovanju. Međutim, datim Mišljenjem Ustavni sud Federacije BiH nije stavio van snage odredbe člana 138. stav 7. Zakona o visokom obrazovanju, a ni Autentično tumačenje citiranih odredbi Zakona.

10

Prof. dr. Semra Čavaljuga je prijevremeno razriješana sa funkcije dekana Medicinskog fakulteta Odlukom Upravnog odbora Univerziteta u Sarajevu broj: 02-310/18 od 11. 12. 2018. godine.

Dokaz: Odluka Upravnog odbora Univerziteta u Sarajevu broj: 02-310/18 od 11. 12. 2018. godine.

Protiv navedene Odluke imenovana je podnijela tužbe u upravnom sporu nadležnom Kantonalnom sudu u Sarajevu, koja se vodi pod brojem: 09 0 U 033168 18 Fp. Podnesena tužba **ne odlaže izvršenje Odluke o prijevremenom razrješenju prof dr. Semre Čavaljuge**, jer je odredbama člana 154. tačka 11. Zakona o visokom obrazovanju propisano da u slučaju da Upravni odbor donese Odluku o prijevremenom razrješenju rukovodioca Univerziteta/organizacione jedinice od momenta prijevremenog razrješenja **navedenu funkciju vrši lice određeno Statutom**. Odredbama člana 114. stav 5. Statuta Univerziteta u Sarajevu određeno je da funkciju dekana vrši prodekan za finansije do imenovanja vršioca dužnosti dekana odnosno do izbora dekana u postupku propisanim zakonom i ovim statutom.

3. Dakle, polazeći od odredbi člana 154. tačke 11. Zakona o visokom obrazovanju KS i člana 114. stav 5. Statuta Univerziteta u Sarajevu, kojim odredbama je propisano da lice određeno Statutom obavlja poslove dekana do izbora novog dekana, kao i činjenice da je na snazi Odluka o prijevremenom razrješenju prof dr. Semre Čevaljuge dužnosti dekanese, Univerzitet u Sarajevu je u prijavi za osnivanje istog kao organizacione jedinice Univerziteta u Sarajevu, naveo prof. dr. Nermina Sarajlića kao ovlašteno lice Medicinskog fakulteta, jer na Medicinskom fakultetu obavlja poslove vršioca dužnosti prodekana za finansije. Zakonom o visokom obrazovanju Kantona Sarajevo ni drugim propisom rektor nije ovlašten da mijenja ili određuje lice koje je ovlašteno za zastupanje organizacione jedinice, već je dužan postupati u skladu sa zakonom.

Medicinski fakultet je na osnovu odredbi člana 67. stav 1. Zakon o registraciji poslovnih subjekata u FBiH („Službene novine Federacije BiH“, broj: 27/05, 68/05, 43/09 i 63/14) bio dužan da u roku od 30 dana od prijevremenog razrješenja prof. dr. Semre Čavaljuge podnese prijavu nadležnom sudu za brisanje imenovane iz registra kao lica ovlaštenog da zastupa Medicinski fakultet. Medicinski fakultet ovu zakonsku obavezu nije nikada realizovao, a što je jedina smetnja za okončanje postupka po prijavama o pravnoj integraciji Univerziteta.

4. Prof. dr. Semra Čavaljuga nema ovlaštenje da potpisuje službene akte, te predstavlja i zastupa Medicinski fakultet Univerziteta, jer je i dalje na snazi Odluka Upravnog odbora Univerziteta u Sarajevu broj: 0101-7073/18 od 13. 11. 2018. godine, kojom je prijevremeno razriješana funkcije dekana. Zakonom o visokom obrazovanju Kantona Sarajevu a ni drugim zakonom rektor nije ovlašten da mijenja Odluke Upravnog odbora Univerziteta u Sarajevu, već je iste dužan da provodi. Vaša tvrdnja da rektor povremeno prihvata potpis prof. dr. Semre Čavaljuge kao validan je netačna i proizvoljna, jer je rektor svaki put upozoravao prof dr. Semru Čavaljugu da neovlašteno potpisuje službene akte Medicinskog fakulteta, kao i da su svi aki koje ona potpiše ništavni u pravnom prometu.

5. Svi službeni akti Medicinskog fakulteta koji su potpisani od prof. dr. Semre Čavaljuge nakon njenog prijevremenog razrješenja sa funkcije dekana su ništavni po samom Zakonu o visokom obrazovanju Kantona Sarajevu, jer nisu potpisani od ovlaštenog lica. Navedene činjenice trebala bi biti svjesna prije svih prof. dr. Semra Čavaljuga, neovisno o stavu o tome bilo kog pojedinca ili institucije. Rektor u svakom slučaju nema zakonsko ni drugo

ovlaštenje da prizna ništave akte, a niti bi to priznanje bilo od koristi za bilo koga, kao ni za pravnu valjanost tih akata.

U Sarajevu, dana 07. 01. 2020 godine



REKTOR

Prof. dr. Rifat Skrijelj

Dostaviti:

- ① Naslovu
- Služba za pravne poslove
- A/a

VP

**- UPRAVNI ODBOR -**Broj: 02- ~~310~~...../18

Sarajevo, 11. 12. 2018. godine

Na osnovu člana 129. i člana 154. Zakona o visokom obrazovanju („Službene novine Kantona Sarajevo“, broj: 33/17) člana 53. Statuta Univerziteta u Sarajevu, u skladu sa članom 35. Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu je na svojoj 12. redovnoj sjednici održanoj dana 11. 12. 2018. godine, *donio*

ODLUKU**o prijevremenom razrješenju rukovodioca
organizacione jedinice Univerziteta u Sarajevu**

1. Prof. dr. Semra Čavaljuga prijevremeno se razrješava funkcije rukovodioca (dekana) Medicinskog fakulteta Univerziteta u Sarajevu, sa danom donošenja ove odluke.
2. Zadužuje se vršilac dužnosti prodekana za finansije kao ovlaštena osoba Medicinskog fakulteta Univerziteta u Sarajevu da u roku od sedam (7) dana sazove sjednicu Vijeća Medicinskog fakulteta Univerziteta u Sarajevu radi izbora i imenovanja vršitelja dužnosti dekana i raspisivanja konkursa za izbor novog dekana Medicinskog fakulteta Univerziteta u Sarajevu
3. Ova odluka stupa na snagu danom donošenja.

O b r a z l o ž e n j e

U provođenju Rješenja Kantonalne uprave za inspeksijske poslove Kantona Sarajevo, broj: UP-1-14-12-38-20361/18-12/02-004 od 19. 10. 2018. godine i Zaključka Upravnog odbora Univerziteta u Sarajevu, broj: 02-240/18 od 25. 10. 2018. godine, prof. dr. Rifat Škrijelj rektor Univerziteta Sarajevo je donio Odluku o suspenziji rukovodioca Medicinskog fakulteta Univerziteta u Sarajevu, broj: 0101-7073/18 od 13. 11. 2018. godine kojom je suspendirao prof. dr. Semru Čavaljugu sa funkcije dekana Medicinskog Fakulteta Univerziteta u Sarajevu.

Istovremeno, dana 14. 11. 2018. godine rektor Univerziteta u Sarajevu je o ovoj suspenziji informisao Upravni odbor Univerziteta u Sarajevu i predložio da se prof. dr. Semra Čavaljuga prijevremeno razrješenje funkcije dekana Medicinskog fakulteta Univerziteta u Sarajevu zbog nezakonitog postupanja i nesavjesnog izvršavanja Zakonom propisanih obaveza, kako je navedeno u obrazloženju Odluke o suspenziji.

Na sjednici održanoj 11. 12. 2018. godine, Upravni odbor Univerziteta u Sarajevu odbio je žalbu prof. dr. Semre Čavaljuge i potvrdio Odluku rektora Univerziteta u Sarajevu o njenoj suspenziji.

Sjednice je prisustvovala gospođa Danijela Saller-Osenk advokat prof. dr. Semre Čavaljuge iz Sarajeva, a u nastavku sjednice Upravni odbor Univerziteta u Sarajevu je razmatrao informaciju

17

Rektora Univerziteta u Sarajevu o postojanja razloga za prijevremeno razrješenje prof. dr. Semre Čavaljuge sa funkcije dekana Medicinskog fakulteta Univerziteta u Sarajevu.

Utvrđeno je da su navodi Rektora Univerziteta u Sarajevu osnovani i da postoje razlozi propisani odredbama člana 154. stav (10) tačka b) i tačka c) Zakon o visokom obrazovanju Kantona Sarajevo kojim je, između ostalog, regulisano da Upravni odbor Univerziteta u Sarajevu može donijeti odluku o prijevremenom razrješenju rukovodioca Univerziteta/organizacione jedinice i to: b) ukoliko odbije da izvrši odluke i zaključke Upravnog odbora i d) ukoliko nanese materijalnu/finansijsku štetu ili dovede u pitanje ugled Univerziteta/organizacione jedinice.

Naime, pored činjenica na koje je ukazao Rektor Univerziteta u Sarajevu, Upravni odbor Univerziteta u Sarajevu posebno je cijenio činjenicu da je od 07. 09. 2018 godine u skladu sa Zakonom o visokom obrazovanju Kantona Sarajevo odlučivao po prigovorima akademskog osoblja radnika Medicinskog fakulteta Univerziteta u Sarajevu (prigovor prof. dr. Ismet Gavrankapetanović, prigovor prof. dr. Mirza Bišćević i prigovor Benjamin Vojniković), koje odluke prof. dr. Semra Čavaljuga nije provela i realizovala, a što je kao dekan Medicinskog fakulteta Univerziteta u Sarajevu u skladu sa odredbama člana 136. stav (4) Zakona o visokom obrazovanju dužna bila učiniti.

Upravni odbor Univerziteta u Sarajevu je na sjednici održanoj 25. 10. 2018. godine donio Zaključak u kojem je konstatirao da je o prigovoru prof. dr. Ismeta Gavrankapetanovića kao drugostepeni organ donio konačnu odluku, te da će nakon još jednog pisanog upozorenja neophodno biti primijeniti Zakonom propisane mjere, ukoliko dekan Medicinskog fakulteta Univerziteta u Sarajevu ne izvrši odluke koje donose tijela (Upravni odbor i Rektor) Univerziteta u Sarajevu.

Prof. dr. Semra Čavaljugā je dana 31. 10. 2018. godine zaprimila pisani zahtjev za postupanje od Rektora Univerziteta u Sarajevu, broj: 0101-6678/18, kao i Akt od 08. 11. 2018. godine, broj: 0101-6939-1/18 kojim se od imenovane kao dekana Medicinskog fakulteta Univerziteta u Sarajevu još jednom traži izvršenje Rješenja Upravnog odbora Univerziteta u Sarajevu, broj: 02-200/18 od 07. 09. 2018. godine. Međutim, i pored ovog upozorenja prof. dr. Semra Čavaljuga nije postupila po predmetnim zahtjevima, tj. nije izvršila odnosno provela odluku Upravnog odbora Univerziteta u Sarajevu, kao tijela visokoškolske ustanove.

Navedenim ponašanjem, kao i drugim radnjama i/ili propuštanjem na koje je ukazano od Rektora Univerziteta u Sarajevu imenovana je prekršila odredbe člana 136. stav (4) Zakona o visokom obrazovanju Kantona Sarajevo, radi čega je Upravni odbor Univerziteta u Sarajevu većinom glasova donio odluku o njenom prijevremenom razrješenju funkcije dekana Medicinskog fakulteta Univerziteta u Sarajevu.


Kako prijevremenim razrješenjem imenovane ostaje upražnjena funkcija dekana Medicinskog fakulteta Univerziteta u Sarajevu, Upravni odbor je konstatirao da se prodekan za finansije kao ovlaštena osoba Medicinskog fakulteta Univerziteta u Sarajevu zadužuje da u roku od sedam (7) dana od dana dostavljanja ove odluke, sazove sjednicu Vijeća Medicinskog fakulteta Univerziteta u Sarajevu na kojoj treba da se imenuje vršilac dužnosti dekana Medicinskog fakulteta Univerziteta u Sarajevu i donese odluka o raspisivanju konkursa za izbor novog rukovodioca (dekana) Medicinski fakultet Univerziteta u Sarajevu.

60

Imajući u vidu izloženo Upravni odbor Univerziteta u Sarajevu je odlučio kao u izreci ove odluke.

Pouka o pravnom lijeku:

Protiv ove Odluke nije dopuštena žalba, ali se tužbom može pokrenuti upravni spor kod Kantonalnog suda u Sarajevu u roku od 30 dana, računajući od dana prijema ovog rješenja.



**PREDSJEDNIK
UPRAVNOG ODBODRA**

Dr. sc. Murat Ramadanović



Dostaviti:

- Prof. dr. Semra Čavaljuga
- Medicinski fakultet UNSA
- Rektor UNSA
- Senat UNSA
- Predsjednik i članovi UO UNSA
- Ministarstvo za obrazovanje, nauku i mlade KS
- Generalnom sekretaru
- ⊖ U dokumentaciju UO
- Arhivi

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)

60